

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 70 (2008)
Heft: 1: Die Geschichte vom Zappelphilipp

Rubrik: Pagina Rumanschta

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 30.03.2025

ETH-Bibliothek Zürich, E-Periodica, <https://www.e-periodica.ch>

La schanza dallas scolas pintgas

MARTIN MATHIJET

La digren dallas naschientschas dils proxims onns (mira grafica) mettan las scolas (romontschas) avon in fatg pauc legreivel – ellas ston reponderar lur structuradas. Ord partiziuns d'ina e duas classas ston las autoritads fusiunar a scolas cun treis e quater classas. Tscheu e leu stat schizun la scola cumplexsiva en discussiun. Scolas cumplexsivas han denton ina schliata reputaziun – ton tier geniturs sco era tier personal da scola dil fatg. Biars involvai creian aunc adina che partiziuns d'ina classa seigien a priori bunas scolas e partiziuns da pliras classas munchentien la «qualitad»! Quei ei naturalmein in nonsenn! Gest il cuntrari savess esser silmeins aschi ver! Nies mund vegn dominaus oz da gruppaziuns heterogenas en vegliadetgna, cultura, religiun, etnia, etc. En biro sesa l'empredista duront

pausa sper igl um da sisonta onns, quel ha da l'autra vart ina secretaria da ver trenta en speranza... tuts cun tut autras condiziuns privatas e tuts che ston anflar la via alla prestaziun optimala per la fatschenta en stretga collaboraziun in cun l'auter. Mo era el temps liber eis ei buca bia meglier: culturas e lungatgs da tuttas uisas s'entaupan ella disco, sin pista, en stizun.... Ei drova senza dubi «cumpetenzia societara»....

Mo la scola viva (aunc adina) sper la realitad ora e copiescha la filosofia neu dall'armada nua che tuts ein tuttina e tuts fan il medem mument il medem – e quei sin camond absolut da surengiu; funcziunar ei la devisa buca patertgar! Il fest da finiastra ei bein svanius ord scola – mo la tenuta ei en biars loghens aunc adina la medema; il scolast cul fest enta maun! Il plaid tudestg «unter-


richten» circumscriba grondius quella filosofia – buca «auf-richten» – «unter-richten» ei la devisa!

E dasperas havessen gruppas heterogenas in potenzial autentic per emprender da viver. Ils gronds svessen e stuessen surprendre responsablada pils pigns (el process d'emprender, en damondas dalla disciplina, sin viadi da scola) ed ils pigns emprendessen ch'ei dat hierahias recliadas e malgestas en gruppas; tgamuns, beinvulents, maligns, fauls, da quels che sesluetan ed auters che cuoran semplamein suenter sco totos!

Cheu havessen las scolas pintgas (cumplexsivas) in potenzial da qualitad enorm. Mo enstagl da seschar en quella sfida diversificada che pretenda flexibilitad ed engaschament vulan biars ir pli bugen la via cumadeivla, star davon tier cul fest enta maun e perdegar e docir suls tgaus ora! Ch'ina giuventetgna maldada e pauc preparada per la veta cun in miserabel senn da reponsablada viers sesez e viers ils auters banduna la scola ei ligiongna!

Perquei stuess la politica buca dismetter las scolas pintgas – anzi liquidar las classas d'annadas!

Surselva



Diember dallas naschientschas en Surselva